

Abril 29, 2022
Tagapagpaganap 2022-12

Kautusang

KAUTUSANG TAGAPAGPAGANAP 2022-12
(KAUTUSANG TAGAPAGPAGANAP PARA SA COVID-19 BLG. 105)

SAPAGKAT, mula noong Marso 2020, ang Illinois ay naharap sa isang pandemya na nagdulot ng pambihirang sakit at pagkawala ng buhay, na dinapuan ang higit sa 3,130,000, at kumitil ng buhay ng higit sa 33,600 na mga residente; at,

SAPAGKAT, habang patuloy na tumutugon ang Illinois sa sakuna sa pampublikong kalusugan na dulot ng Coronavirus Disease 2019 (COVID-19), isang bagong malubha at matinding karamdaman sa paghinga na mabilis na kumakalat sa pamamagitan ng transmisyong sa respirasyon, ang pasanin sa mga residente, mga tagabigay ng pangangalagang pangkalusugan, mga unang tagatugon, at mga pamahalaan sa buong Estado ay walang uliran; at,

SAPAGKAT, ang pagprotekta sa kalusugan at kaligtasan ng mga taga-Illinois ay kabilang sa pinakamahalagang tungkulin ng pamahalaan ng Estado; at,

SAPAGKAT, maraming variant ang lumitaw sa panahon ng pandemya, bawat isa ay may iba't ibang paghawa at antas ng kalubhaan; at,

SAPAGKAT, ang paghula sa kung ano ang mangyayari sa hinaharap sa pandemyang ito ay isang mahirap na trabaho, at ang mga napatunayang mitigasyon sa pandemya tulad ng pisikal na pagdidistansya, mga pantakip sa mukha at iba pang pag-iingat sa pampublikong kalusugan ay napatunayang nagpapabagal at nagpapahinto sa pagkalat ng COVID-19; at,

SAPAGKAT, ang Centers for Disease Control and Prevention (CDC) ay naglabas ng binagong patnubay noong Pebrero 25, 2022 upang alisin ang rekomendasyon nito para sa unibersal na pagsusuot ng mask sa loob, kasama ang mga setting ng K-12; at,

SAPAGKAT, ang patnubay na iyon ay nagbigay ng balangkas para sa pagtatantiya ng mga antas ng COVID-19 sa komunidad batay sa mga pagkakaospital dahil sa COVID-19, pagkakaroon ng kama para sa inpatient, at bilang ng mga kaso ng COVID-19; at,

SAPAGKAT, ang gabay ng CDC ngayon ay nagrerekomenda lamang ng unibersal na pagsusuot ng mask sa mga komunidad na may mataas na antas ng COVID-19; at,

SAPAGKAT, patuloy na nagpapayo ang CDC na ang ilang mga setting ng komunidad, tulad ng mga paaralan at mga komunal na setting na may mataas na panganib ay maaaring mangailangan

ng karagdagang mga layer ng pag-iingat batay sa mga katangian ng setting at kung sakaling magkaroon ng outbreak; at,

SAPAGKAT, kahit na walang utos ng Estado, maaaring piliin ng mga K-12 na paaralan, mga pasilidad ng pangangalaga ng bata, at iba pang mga setting na hilingin sa mga indibidwal na magsuot ng mga face mask batay sa antas ng COVID-19 sa komunidad at iba pang mga katangian ng setting; at,

SAPAGKAT, ang mga bakuna sa COVID-19 ay epektibo upang maiwasan ang sakit na COVID-19, lalo na ang matinding karamdaman at pagkamatay, ngunit may bahagi ng populasyon ang nananatiling hindi nabakunahan at ang ilang mga residente, kabilang ang mga bata, ay hindi pa makakatanggap ng bakuna; at,

SAPAGKAT, ang ilang mga employer ay pumasok sa mga collective bargaining agreement na patuloy na nag-aatas sa mga indibidwal na magsuot ng face mask sa ilang partikular na setting; bilang karagdagan sa iba pang mga hakbang sa mitigasyon; at,

SAPAGKAT, patuloy na inirerekomenda ng CDC na ikonsidera ng mga indibidwal na immunocompromised o nasa mataas na panganib para sa malubhang sakit ang pagsusuot ng angkop na mask sa loob ng mga pampublikong lugar kapag mataas ang antas ng COVID-19 sa komunidad; at,

SAPAGKAT, patuloy na inirerekomenda ng CDC na magsuot ng mask ang mga tao na may mga sintomas, positibong test, o pagkaka-expose sa isang tao na may COVID-19; at,

SAPAGKAT, maaaring piliin ng mga indibidwal na magsuot ng mask anumang oras upang maprotektahan ang kanilang sarili o ang mga nakapaligid sa kanila mula sa pagkalat ng COVID-19; at,

SAPAGKAT, patuloy na inirerekomenda ng patnubay ng CDC na ang mga indibidwal na hindi up-to-date sa mga pagbabakuna sa COVID-19 o nasa loob ng 90 araw ng impeksyon sa COVID-19 ay manatili sa bahay at mag-quarantine nang hindi bababa sa 5 araw pagkatapos ng pagkaka-expose sa COVID-19 at magsuot ng mask hanggang ika-10 araw; at,

SAPAGKAT, patuloy na inirerekomenda ng patnubay ng CDC na ang mga indibidwal na nagpositibo sa COVID-19 ay manatili sa bahay at mag-isolate nang hindi bababa sa 5 araw pagkatapos magpositibo at magsuot ng mask hanggang sa ika-10 araw; at,

SAPAGKAT, ang CDC ay patuloy na nagrerekomenda na ang mga mag-aaral, guro, at kawani ay dapat manatili sa bahay kapag mayroon silang mga palatandaan ng anumang nakakahawang sakit, kabilang ang COVID-19; at,

SAPAGKAT, ang mga paaralan ay dapat na patuloy na makipagtulungan sa kanilang mga lokal na departamento ng kalusugan upang matukoy, alinsunod sa patnubay ng CDC, kung aling mga mag-aaral, guro, at kawani na may mga positibong resulta o pagkaka-expose sa COVID-19 ang dapat manatili sa bahay para sa kalusugan at kaligtasan ng komunidad ng paaralan; at,

SAPAGKAT, habang kumakalat ang COVID-19 sa Illinois sa paglipas ng mga Proklamasyon ng Gobernador para sa Sakuna, ang mga pangyayari na nagdudulot ng sakuna sa buong Estado ay nagbago at patuloy na nagbabago, na ang pagbuo ng mga tiyak na hula sa landas ng virus sa mga darating na buwan ay sadyang napakahirap; at,

SAPAGKAT, bilang karagdagan sa pagiging sanhi ng malagim na pagkawala ng 33,300 na mga taga-Illinois at negatibong pinsala sa pisikal na kalusugan ng sampu-sampung libong iba pa, ang COVID-19 ay nagdulot ng malawakang kawalan sa ekonomiya at patuloy na nagbabanta sa kagalingan ng pananalapi ng isang makabuluhang bilang ng mga indibidwal at mga negosyo sa buong bansa at sa Estado; at,

SAPAGKAT, maraming mga ehekutibong ahensya sa Estado ang patuloy na itinutuon ang kanilang limitadong pinagkukunang-yaman sa nagpapatuloy na tugon sa pandemya ng COVID-19; at,

SAPAGKAT, noong Abril 29, 2022, bilang pagsasaalang-alang sa inaasahang patuloy na pagkalat ng COVID-19 at ang patuloy na epekto nito sa kalusugan at ekonomiya na madarama sa darating na buwan ng mga tao sa buong Estado, idineklara ko ang lahat ng mga lalawigan sa Estado ng Illinois bilang isang lugar ng kalamidad; at,

SAPAGKAT, bilang tugon sa emerhensiyang epidemya at emerhensiya ng pampublikong kalusugan na inilarawan sa itaas, nakita ko na kinakailangang muling ilabas ang mga Kautusang Tagapagpaganap 2020-09, 2020-12, 2020-20, 2020-21, 2020-23, 2020-24, 2020-26, 2020-27, 2020-30, 2020-36, 2020-50, 2021-12, 2021-18, 2021-22, 2021-28, 2021-31, 2022-06, at 2022-11 at sa pamamagitan nito ay isinasama ang mga SAPAGKAT na mga sugnay ng mga Kautusang Tagapagpaganap na iyon;

SAMAKATWID, sa pamamagitan ng mga kapangyarihang ipinagkaloob sa akin bilang Gobernador ng Estado ng Illinois, alinsunod sa Konstitusyon ng Illinois at mga Seksyon 7(1), 7(2), 7(3), 7(8), 7(9), at 7(12) ng Illinois Emergency Management Agency Act, 20 ILCS 3305, at naaayon sa mga kapangyarihan ng mga batas sa pampublikong kalusugan, iniuutos ko ang mga sumusunod, simula Abril 29, 2022:

Bahagi 1: Muling Paglabas ng mga Kautusang Tagapagpaganap.

Ang mga Kautusang Tagapagpaganap 2020-09, 2020-12, 2020-20, 2020-21, 2020-23, 2020-24, 2020-26, 2020-27, 2020-30, 2020-36, 2020-50, 2021-12, 2021-18, 2021-22, 2021-28, 2021-31, 2022-06, at 2022-11 ay muling inilabas bilang mga sumusunod:

Kautusang Tagapagpaganap 2020-09 (Telehealth):

Ang mga Seksyon 9 at 10 ng Kautusang Tagapagpaganap 2020-09, na inamyendahan ng Kautusang Tagapagpaganap 2021-15, ay muling inilabas at pinalawig hanggang **Mayo 28, 2022**.

Kautusang Tagapagpaganap 2020-12 (Mga background check para sa manggagawa sa pangangalaga ng kalusugan):

Ang Seksyon 1 ng Kautusang Tagapagpaganap 2020-12 ay muling inilabas at pinalawig hanggang **Mayo 28, 2022**.

Kautusang Tagapagpaganap 2020-20 (Mga kinakailangan sa tulong publiko):

Ang Kautusang Tagapagpaganap 2020-20 ay muling inilabas sa kabuuan nito at pinalawig hanggang **Mayo 28, 2022**, kung saan pagkatapos ang Kautusang Tagapagpaganap 2020-20 ay dapat ipawalang-bisa.

Kautusang Tagapagpaganap 2020-21 (Pamamahinga ng mga bilanggo sa Kagawaran ng Pagwawasto ng Illinois):

Ang Kautusang Tagapagpaganap 2020-21 ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2020-23 (Ang mga aksyon ng Kagawaran ng Pinansiyal at Regulasyon sa Propesyon ng Illinois para sa mga lisensyadong propesyonal na nakikibahagi sa pagtugon sa kalamidad):

Ang Kautusang Tagapagpaganap 2020-23 ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2020-24 (Programang sa Porensikong Paggamot ng Kagawaran ng Serbisyon Pantao ng Illinois):

Ang mga Seksyon 1 at 3 ng Kautusang Tagapagpaganap 2020-24 ay muling inilabas at pinalawig hanggang **Mayo 28, 2022**.

Kautusang Tagapagpaganap 2020-26 (Kapasidad ng ospital):

Ang mga Seksyon 1, 2(a), (d), (f), at (g), 3, 5, 6, 7, 8, 9, at 10 ng Kautusang Tagapagpaganap 2020-26, na inamyendahan ng Kautusang Tagapagpaganap 2022-04, ay muling inilabas at pinalawig hanggang **Mayo 28, 2022**, kung saan pagkatapos ang mga Seksyon 1, 2(a), (d), (f), at (g), 3, at 5 ng Kautusang Tagapagpaganap 2020-26 ay dapat ipawalang-bisa.

Kautusang Tagapagpaganap 2020-27 (Mga bangkay na nagpositibo sa COVID-19):

Ang Kautusang Tagapagpaganap 2020-27 ay muling inilabas sa kabuuan nito at pinalawig hanggang **Mayo 28, 2022**, kung saan pagkatapos ang Kautusang Tagapagpaganap 2020-27 ay dapat ipawalang-bisa.

Kautusang Tagapagpaganap 2020-30 (Mga walang bisa na dokumento ng consular identification; elektronikong pag-file para sa Komisyon ng Karapatang Pantao ng Illinois):

Ang mga Seksyon 1, 4, 5, at 6 ng Kautusang Tagapagpaganap 2020-30 ay muling inilabas at pinalawig hanggang **Mayo 28, 2022**.

Kautusang Tagapagpaganap 2020-36 (Lisensya ng kasal):

Ang Kautusang Tagapagpaganap 2020-36 ay muling inilabas sa kabuuan nito at pinalawig hanggang **Mayo 28, 2022**, kung saan pagkatapos ang Kautusang Tagapagpaganap 2020-36 ay dapat ipawalang-bisa.

Kautusang Tagapagpaganap 2020-50 (Pagpapatuloy sa mga paglilipat mula sa mga kulungan sa lalawigan papunta sa Kagawaran ng Pagwawasto ng Illinois):

Ang Kautusang Tagapagpaganap 2020-50 ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2021-12 (Ikalimang Yugto ng muling pagbubukas):

Ang Kautusang Tagapagpaganap 2021-12 ay muling inilabas sa kabuuan nito at pinalawig hanggang **Mayo 28, 2022**.

Ang Kautusang Tagapagpaganap 2021-12 ay inamyendahan pa at binago tulad ng sumusunod:

b. **Mga pantakip sa mukha.** Ang sinumang indibidwal na hindi pa ganap na nabakunahan at higit sa dalawang taong gulang at magagawang tiisin na gumamit ng pantakip sa mukha (mask o telang pantakip sa mukha) ay dapat na takpan ang kanilang ilong at bibig gamit ang isang pantakip sa mukha kapag nasa pampublikong lugar at hindi makapagpanatili ng anim na talampakang distansya mula sa kapwa.

Ang lahat ng indibidwal, kabilang ang mga ganap nang nabakunahan, ay inaatasang magsuot ng pantakip sa mukha na naaayon sa gabay ng CDC, kabilang ang (1) kung saan kinakailangan ng pederal sa mga eroplano, bus, mga tren, at iba pang uri ng pampublikong transportasyon at sa mga hub ng transportasyon tulad ng mga paliparan at istasyon ng tren at bus; (2) sa mga komunal na pasilidad tulad ng mga pasilidad sa koreksyonal at mga kanlungan para sa mga walang tirahan; at (3) sa mga setting ng pangangalagang pangkalusugan. ~~Ang mga indibidwal sa mga paaralan, sa mga setting ng day care, at sa mga institusyong pang-edukasyon ay dapat na patuloy na sumunod sa magkakahiwalay na patnubay na ibinigay ng Illinois State Board of Education, Illinois Department of Children and Family Services, at ng Illinois Department of Public Health.~~

Kautusang Tagapagpaganap 2021-18 (Mga hakbang sa mitigasyon):

Ang Kautusang Tagapagpaganap 2021-18, na inamyendahan ng Kautusang Tagapagpaganap 2021-19, Kautusang Tagapagpaganap 2022-06, at Kautusang Tagapagpaganap 2022-10, ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2021-22 (Mga kinakailangan sa pagbabakuna at pagsusuri):

Ang mga Seksyon 2, 3, 4, 5, 6, 7, 8, at 9 ng Kautusang Tagapagpaganap 2021-22, na inamyendahan ng Kautusang Tagapagpaganap 2021-23, Kautusang Tagapagpaganap 2021-27, Kautusang Tagapagpaganap 2022-01, at Kautusang Tagapagpaganap 2022-05 ay muling inilabas at pinalawig hanggang **Mayo 28, 2022**.

Kautusang Tagapagpaganap 2021-28 (Mga kinakailangan sa pagbabakuna at pagsusuri para sa day care):

Ang Kautusang Tagapagpaganap 2021-28, na inamyendahan ng Kautusang Tagapagpaganap 2021-30, ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2021-31 (Mga kinakailangan sa pagsususpindi para sa mga social worker):

Ang Kautusang Tagapagpaganap 2021-31 ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2022-06 (Mga kinakailangan sa pantakip sa mukha):

Ang Kautusang Tagapagpaganap 2022-06, na inamyendahan ng Kautusang Tagapagpaganap 2022-11, ay muling inilabas sa kabuuan nito at pinalawig hanggang **Mayo 28, 2022**.

Kautusang Tagapagpaganap 2022-11 (Mga kinakailangan sa pantakip sa mukha):

Ang Kautusang Tagapagpaganap 2022-11 ay muling inilabas sa kabuuan nito at pinalawig hanggang **Mayo 28, 2022**.

Bahagi 2: Pangligtas na Sugnay. Kung ang anumang probisyon ng Kautusang Tagapagpaganap na ito o ang aplikasyon nito sa sinumang tao o kalagayan ay ituturing na walang bisa ng anumang korte na may karampatang hurisdiksyon, ang kawalang-bisa nito ay hindi nakakaapekto sa iba pang probisyon o aplikasyon ng Kautusang Tagapagpaganap na ito, na maaaring mabigyan ng bisa nang wala ang imbalidong probisyon o aplikasyon. Upang makamit ang layuning ito, ang mga probisyon ng Kautusang Tagapagpaganap na ito ay idineklara na maaaring ihiwalay.

JB Pritzker, Gobernador

Inisyu ng Gobernador Abril 29, 2022
Inihain sa Kalihim ng Estado Abril 29, 2022